

## HEADLINES

- ۱۔ وزیر داخلہ امت شاہ نے کہوی جے مودی سرکار بھارت نانہ منشیات توں پاک کر رہی ہے وے اج نویں دہلی مانہ منشیات مخالف دوجی قومی کانفرنس سنگ خطاب کرتا واں بول ریا تھا۔
- ۲۔ وزیر اعلیٰ عمر عبداللہ نے جموں کشمیر مانہ رابطہ نظام گا بُنیادی ڈھانچہ نانہ مضبوط بنان خاطر ایک جائیزہ میٹنگ گی صدارت کی۔
- ۳۔ ضلع ڈوڈہ مانہ 2 جی انٹرنیٹ سروس نانہ بحال کردتو گیو ہے۔
- ۴۔ شری ماتا ویشنو دیوی یاترہ 22 ویں روز وی لگاتار معطل رئی۔
- ۵۔ محکمہ موسمیات نے دسیو ہے جے 23 ستمبر توڑی موسم مانہ کوئی خاص تبدیلی نہیں دیکھی گئی ہے۔

\*\*\*\*\*

## HM ANTF

وزیر داخلہ امت شاہ نے اج نویں دہلی مانہ ریاستاں تے مرکزی زیر انتظام علاقوں گا منشیات مخالف ٹاسک فورس گا سربراہاں گی دوجی قومی کانفرنس گواقتتاح کیو یاد رہ جے دو روزہ یاہ کانفرنس وزیر اعظم نریندر مودی گا منشیات مخالف عزم گی عکاسی کرے تقریب سنگ خطاب کرتا واں وزیر داخلہ امت شاہ نے دسیو جے بھارت نانہ منشیات توں پاک کرن خاطر ملک بھر گا قریب 372 اضلاع مانہ یاہ مہم چلائی جا رہی ہے۔ اُنہاں نے کہیو جناب شاہ نے کہیو جے منشیات مخالف جنگ تدبی کامیاب بوسکے جد ریاستی تے مرکزی زیر انتظام حکومتاں گا تمام محکمہ مل غے کم کریں اس بارے بولتاں واں اُنہاں نے مزید اس طرح کہیو۔

\*\*\*\*\*

## CM TELE COM SERVICES

وزیر اعلیٰ عمر عبداللہ نے اعلیٰ سطح میٹنگ گی صدارت کی جس مانہ جموں کشمیر تے رابطہ نانہ بابدو تے اس گا مزید پھیلاو بارے جائیزو لیو گیو اس مانہ موبائل انٹرنیٹ نانہ دور دراز گرائیاں توڑی پُجان تے ریلوے ٹل مانہ رابطہ نانہ مزید بہتر بنان بارے غور کیو گیو۔ جناب عمر نے بولتا واں کہیو جے رابطہ بارے بنیادی ڈھانچہ نانہ بابدو دیتا واں ہنگامی صورتحال تعلیمی میدان تے اقتصادی ترقی جیسا میدان مانہ اس گا پھیلاؤ گی سکت لوڑے اُنہاں نے اس بارے متعلقہ افسراں نانہ ہدایت جاری کی جے وے جلد رابطہ نانہ بابدو تے اس گا پھیلاؤ ناہ یقینی بناویں۔ اس بارے بولتا واں جناب عمر نے مزید کہیو جے گرام پنچائیتاں نانہ بجلی سپلائی تے انٹرنیٹ سروس نانہ یقینی بنان خاطر بھارت نیٹ پھیز ترے نانہ ویلے سرے مکمل کرن گی لوڈ ہے۔

\*\*\*\*\*

## DODA 2G

ضلع ڈوڈہ مانہ ایک ہفتہ توں بعد 2 جی انٹرنیٹ سروس نانہ بحال کیو گیو ہے یاد رہ جے 8 ستمبر نانہ عام آدمی پارٹی گا رکن ایم ایل اے میراج ملک نانہ پی ایس اے غے تحت گرفتار کیو گیو تھو جس تیں بعد ضلع اندر احتجاج گے پیش نظر انٹرنیٹ سروس بند کردتی گئیں تھی تے اُن عام زندگی معمول ور آن توں سروس نانہ دوبارہ بحال کردتو گیو ہے واضع رہ جے اتوار

نانہہ ضلع بھر مانہہ گُجھ پابندیاں گے تحت براڈ بینڈ سروس بحال کردتی تھیں تے جاتے روز  
رتعلیمی ادارہ وی کھول دتا گیا ہیں۔ اس زمن مانہہ ایس ایس پی ڈوڈھ سندپ مہتا نے  
اٹرنیٹ گی بحالی سمیت پابندی مانہہ نرمی برتن گی یقین دہانی کی ہے تے  
عوام نانہہ اپیل کی ہے جے وے سوشل میڈیا گو غلط استعمال نہ کریں تے حکم غی خلاف  
ورزی ورسخت کاروائی کی جے غی۔

\*\*\*\*\*

#### SEVA PARV

سیوا سوشاسن گے پیش نظر وزیر اعظم نریندر مودی گی قیادت مانہہ حکومت تبدیلی تے ترقی  
لین خاطر انتھک کوشش کر رہی ہے اج ایک خصوصی سپرس سیوا پرو مانہہ ہم تمنا یاہ دساں  
جے کس طرح مودی سرکار نے بین الاقوامی شمسی اتحاد غے ذریعے بھارت نانہہ ایک عالمی  
رہنما گا طور ور کھلو کیو ہے یاد رہ جے آب وبوا حل توں لے گے بہتر توانائی توڑی بھارت نے اپنا  
قومی مفاد نانہہ اولین ترجیح دیتا واں ایک بین الاقوامی رہنما گا طور ور پیش کیو ہے۔ قابل ذکر  
ہے جے وزیر اعظم نریندر مودی گی کاوشاں سنگ بھارت گو قد خاصو اچو ہوو ہے جس مانہہ بین  
الاقوامی شمسی اتحاد گے ذریعے موسمی تبدیلی بارے اُن غی انتھک کوششاں نانہہ نظر انداز  
نی کیو جاسکتو۔ واضع رہ جے آئی ایس اے یعنی بین الاقوامی شمسی اتحاد گو آغاز نومبر  
2015 مانہہ سپرس مانہہ 21 کاپ گے دوران وزیر اعظم نریندر مودی تے فرانس گا صدر فرانسوا  
ہولا نڈ نے کیوتھو اس بارے بولتا واں وزیر اعظم نریندر مودی نے اس طرح کہیو۔

\*\*\*\*\*

#### PROG ANN

آکاشوانی جموں گو علاقائی خبراں آلو شعبہ ایک خاص مباحثہ ور پروگرام پیش کرے غو جھڑو  
30 منٹ غو وے گو اس پروگرام غو موضوع وے گو بہادر اقتصادی اصلاحات غے ذریعے ترقی  
نانہہ فروغ دیوں یوہ خصوصی پروگرام سیوا پرو 2025 غی مناسبت کیو جارہی وے جھڑو  
15 ستمبر نانہہ مئیو گیو یاہ خصوصی نشریات 17 ستمبر 2025 نانہہ تہاڑی غا 12:30 بجے  
نشر کیو جے غو اس پروگرام مانہہ مارا مہمان ویں غا پروفیسر دیپانکر سین گپتا جھڑا شعبہ  
اکنامکس یونیورسٹی آف جموں تیں تعلق رکھیں اے اس بارے اپنا قیمتی خیالات تے ماہرانہ  
رائے سانجہ کریں گا اس پروگرام غی میزبانی کریں غا مارا انکر جگ موہن شرما تے کونال  
شری وٹس سامعین اس پروگرام نانہہ میڈیم ویو 303 میٹر یعنی 990 کلو ہٹز ایف ایم 100.3 میگا  
ہٹز ور سُن سکیں۔

\*\*\*\*\*

#### SMVD YATRA

اج 22 ویں تہاڑے وی ریاسی ضلع مانہہ واقع ترکوٹہ پہاڑی ور شری ماتا ویشنو دیوی غی یاترہ  
معطل رہی۔ آکاشوانی جموں گا نمائندہ غے مطابق یاترا پہلاں 14 ستمبر تیں دوبارہ شروع ہون  
آلی تھی لیکن خراب موسم غی وجہ تیں پھر ملتوی کردتی گئی یاتریاں تیں کہیو گی وے کہ  
سرکاری ذرائع تیں معلومات حاصل کرتا رہیں یاترا 26 اگست نانہہ پاری بارش تیں ہوا حادثہ  
تیں بعد معطل کردتی گئی تھی۔ لیفٹیننٹ گورنر منوج سنہا جھڑا کہ شری ماتا ویشنو دیوی  
شرائین بورڈ گا چئیرمین وی ہیں نے اس حادثہ غی وجہ جانن واسطے ترے رُکنی اعلیٰ سطح  
غی کمیٹی تشکیل دتی ہے۔

\*\*\*\*\*

## GST REFORMS

جموں کشمیر عوام نے حالیہ جی ایس ٹی کی شرح مانہ کمی گو خیر مقدم کیو بے ت عام آدمی واسطے اس نانہ ایک بڑی راحت قرار دتو بے واضع رہ جے یوم آزادی ور وزیر اعظم نریندر مودی نے اس بارے اعلان کیو تھو تے 3 ستمبر نانہ جی ایس ٹی کونسل نے اس نانہ منظوری دتی گئی تے بُن جی ایس ٹی چھڑا ضروری شعباں مانہ تو جو مرکوز کرے گی قابل ذکر بے جے حکومت نے زرعی شعبہ مانہ جی ایس ٹی مانہ نمایاں کمی غے زیرے کساناں نانہ راحت فراہم کی بے یاد رہ جے 18 سو سی سی گا ٹریکٹر ور ٹیکس کی شرح 12 فی صد توں کھٹ گے 5 فی صد کی جے گی۔ ٹریکٹر گا پُرزی جات بشمول ٹائپر تیوب ہائی ڈرولک پمپ 3 دیگر اشیا نانہ بُن 18 فی صد گا سلیب توں کھٹ غے 5 فی صد گا سلیب مانہ رکھیو جے گو اس گے نال نال مخصوص بایو پسٹی سائیڈ وغیرہ نانہ وی 12 فی صد توں کھٹ غے 5 فی صد گا سلیب مانہ رکھیو جے گو۔ جی ایس ٹی اس کی نمایاں کمی بارے بولتا واں ایک مقامی شخص نے اس طرح کہیو۔

\*\*\*\*\*

## DRUGS DEPT RAMBAN

محکمہ ادویات رام بن لوکاں مانہ آگاہی پھیلا ریو بے کہ وہ دوائیاں آلاں تیں ادویات خریدتاں واں بل ضروری لیں تانجے اُن غی خریداری غو ریکارڈ محفوظ وے یوہ بل بعد مانہ دوا غی معیار غی تصدیق مانہ مددگار ثابت وے گو۔ صارفین تیں کہیو گیو بے کہ وہ پردھان منتری بھارتیہ جن اوشدی پری یوجنہ جیسی جگہاں تیں دوائی خریدیں تے بل ضرور منگیں اس بارے محکمہ نے رابطہ نمبر جاری کیا ہیں تانجے سیلاب متاثرہ افراد جھڑا خراب سڑکاں غی وجہ تیں دوا خریدن واسطے دکان توڑی نہیں پُچ سکتا اس نمبر ور رابطہ کرے مدد حاصل سکیں، آکاشوانی غا خبراں آلا شعبہ سنگ گل کرتا واں اسٹینٹ کنٹرولر ڈرگ رامبن سنجیو کمار گپتا نے اس طرح کہیو۔

\*\*\*\*\*

## WEATHER

محکمہ موسمیات غی پیشن گوئی غے مطابق 23 ستمبر توڑی کراب موسم غی کائے صورت نی بے آکاشوانی جموں گا نامہ نگار غے مطابق محکمہ موسمیات نے دسیو کہ آئیندہ دناں مانہ زیادہ تر علاقاں مانہ موسم کوشگوار رے گو تے گُجھ مقامات ور ہلکی بارش ہون گا امکان ہیں۔ 17 ستمبر توڑی عمومی طور ور موسم صاف تے خوشگوار رہن غی توقع بے۔ 18 تے 19 ستمبر غی درمیانی رات تے صبح گے وقت چند جگہاں ور گرج چمک غے نال ہلکی بارش ہوسکے۔ 20 ستمبر تیں 23 ستمبر توڑی موسم خشک تے صاف رہن غا امکان ہیں۔

\*\*\*\*\*